

BUJEN EO ÑAN KŌMŌ KEIN TARIÑAE IN NUKUĻIER

Lal ko rej Uwaan Bujen in,

Ilo an pen būruwōm in bōk koṇaam ilo jibadbad im wūn ko ñan Charter eo an United Nations,

Jān tu mwilaḷin am kōlmānḷokjeṇ kōn jorrāān ko rōḷḷap rej waḷok ñan armej jān aer kōjerbal jabdewōt kein tariṇae in nukulier, im kōn wōt wūn in, ilo am kile ke ej juon menin aikuḷ bwe kein tariṇae rōt kein ren lukkuun jako, eo ej wāween eo wōt ñan kaṃool ke kein tariṇae in nukulier rōban bar waḷok ilo jabdewōt wāween,

Ilo am keememej kōn jorrāān ko renaaj waḷok eḷaññe enaaj wōnṃaanḷok wōt im wōr kein tariṇae in nukulier, ekoba aer kōbokkoḷoki kein tariṇae kein ilo jidelok, bōd in jerbali ak āeiki, im ilo am kaalikkar ke jorrāān kein rejelōt jokkun mour an aolep armej otemjej, im bwe aolep Lal ren jipaṇ doon bōk eddoin bōbrae an jabdewōt kōjerbal kein tariṇae in nukulier,

Ilo am jelā ke eban wōr mejlan tōprak ko renana an kein tariṇae in nukulier, kōnke rej jelōt elōñ laḷ, rej menin kauwōtata ñan an aolep armej mour wōt ioon laḷ in, ñan peḷaak ko peḷaakid wōj, ñan menin kōkōṃanṃanḷok ko ilo jukjukiṇ pād ko, ñan raan peejneḷ ko an laḷ in, ñan kōmadṃōd kōn ṃōñā ko kijem wōj im ñan ājmour eo an epepen jab in kab ko rej pedo tok wōt, im ke eḷap jān joṇan ilo an jelōt kōrā im leddik, ekoba jekjek ko rowaḷok jān baijin ko rej itok wōt jān baam nukulier,

Ilo am kile ke emenin aikuḷ bwe kōmin joḷok kein tariṇae in nukulier im bwe en ṃōkaj an tōprak kōttōpar in im dāpij wōt juon laḷ eo ejjelok kein tariṇae in nukulier ie, eo ej juon iaan jeraamṃan ko eutieḷ tata ñan aolep armej iḷobwileḷ ipelaakin laḷin, ilo an jermal ñan aenōṃṃan ilo laḷ ko am im ijoko jikim wōj otemjej,

*Ilo am keememej wōt ke ekadik ḷap eñtaan im jorrāān ko raar waḷok ippān ro ri-baam ilo iien tariṇae (**hibakusha**) jān aer kōjerbal kein tariṇae in nukulier, ekoba ro kōmmālmel ko an kein tariṇae in nukulier raar jelōt er,*

Ilo am kile ḷok ke armej ro im jo-jikier ej jikier jān wōt etto, eḷap aer jorrāān itok wōt jān jermal in kōmmālmel ko,

Ilo am bar errā ke emenin aikuḷ bwe aolep Lal, aolep iien, ren loloodjaki kakien ko an aolep laḷ eḷaññe kakien kein rej jolōti, ekoba maroñ im jimwe ko an armej ilo iien tariṇae im jimwe im maroñ ko an armej ilo jabdewōt iien im jabdewōt jikin,

Ilo aer pedped wōt ioon wūn ko kab kakien ko an maroñ im jimwe ko rej kōjparok armej ilo iien tariṇae ko, eḷap tata wūnin kien eo ej ba ke ro rej tariṇae rōban kāālōt jabdewōt kilen im wāween tariṇae, an ṃo aer ṃanṃan ro rejjab rūttariṇae, an ṃo aer jodik ilo aer jaje wōn ro remaroñ lel ak mij jān e, kakien ko ikijjien joṇak ko rōkkar im kilen ṃaanjāppopo ilo aer jodik, an ṃo aer kōjerbal kein tariṇae rot ko im rōḷḷap jān joṇan ilo aer kōjorrāān ak kaeñtaan armej, im kakien ko ñan kōjparok peḷaak ko peḷaakid wōj rej inmen Anij,

Ilo am watōke ke jabdewōt iien aer kōjerbal kein tariṇae in nukulier enaaj kar jekkar ñan kakien ko an aolep laḷ ilo iien tariṇae, eḷap tata ilo men ko wōjān im kien ko rejelōt maroñ im jimwe ko an armej ilo iien tariṇae,

Ilo am bar errā ke jabdewōt iien aer kōjerbal kein tariñae in nukuĻier ebar naaj kar juon menin kōlōlñōñ ñae wūnin armej otemjej im mantin jelā ñae doon,

Ilo am keememej ke, ekkar ñan Charter eo an United Nations, LaĻ ko ilo kadkadier ippān aolep laĻ rej aikuĵ bōjrak jān aer kaluroñ ak kipel jabdewōt LaĻ ikijjien joko jikier ak joko tōllōkier, ak ilo jabdewōt wāween ko jet kōmman men ko rejekkar ñan Jibadbad ko an United Nations, im ilo aer ejaake im kōkōmanmanlōk aenōmman im jokane an laĻ in, wōnmaanlōk ko aer rej aikuĵ in kadiklōk aer kōjerbal armej ro im peejneĵ ko an laĻ in adwōj ilo kilaan wōt kein tariñae,

Ilo am bar keememej kar *resolution* eo jinoĵn tata ilo kar Kweilōk eo EĻap an United Nations, eo im raar koweppāne ilo 24 raan in Jānwōde ilo 1946, ekoba koñ ko jet tokālik im rej kōmlōt ke ren joĻōk kein tariñae in nukuĻier,

Ilo am ine kōn joñan an ruṁwĵ aer joĻōk kein tariñae in nukuĻier ko, aer aikuĵ wōt kein tariñae in nukuĻier aolep iien ilo lōmṁak ko, kōllejar ko im kakien ko aer ikijjien jarin tariñae im wāween bōbrae, im kōn aer jerwaan jāñ kab armej ilo aer kōmman būrokraṁ ñan kōmman, kōkōmanman, im kōkāāl wōt kein tariñae in nukuĻier,

Ilo am kile lōk ke aer kōmō kein tariñae in nukuĻier imaan mejān kien ko ej juon buñtōn eo eĻap ñan tōpar im dāpij juon laĻ eo en ejjelōk kein tariñae in nukuĻier ie, ekoba juon wāween joĻōk kein tariñae in nukuĻier, eo im wāween in eban bar roṻl lōk ñan mōkta, emool ippān ro rej lale, im ealĵkar, im ilo an pen būruwōm bwe en tōprak menin kōttōpar in,

Ilo an pen būruwōm bwe kōmin jerbal in kōttōpar bwe en emman wōnmaanlōk ko am ñan an aolep laĻ ipelaakin laĻ in joĻōk kein tariñae ko aer iuṁwin karōk im pepe ko rōtiljek im rōmman an aolep laĻ,

Ilo am bar errā ke ewōr juon kallimur ñan wōnmaanlōk wōt ilo am lōke doon im kōjemlōk am leto-letak melele bwe en ejjelōk kein tariñae in nukuĻier ilo aolep jekjek ko jekjekier bwe ren pād iuṁwin karōk im pepe ko rōtiljek im rōmman an aolep laĻ,

Ilo am barāinwōt errā ke aer loloodjake Bujen eo ñan Jab Kowōrlōk Kein Tariñae in NukuĻier (**Treaty on the Non-Proliferation of Nuclear Weapons**) ilo juon wāween eo elikiio im emman, eo ej āinwōt dekein-jabōn-em ñan joĻōk im jab kowōrlōk kein tariñae in nukuĻier, eĻap ijoko koṁaan ñan lōñaj aenōmman im jokane eo an aolep laĻ,

Ilo am kile joñan an aorōk Bujen eo ñan Kōmō Aolep Kōmmālmel ko Otemjej in NukuĻier (**Comprehensive Nuclear-Test-Ban Treaty**) im kilen aer kaṁool ke ejjelōk kōmmālmel āinwōt juon joor eo jurōn aolep laajrak ko rej itōn joĻōk kein tariñae in nukuĻier im jab kowōrlōk kein tariñae in nukuĻier,

Ilo am bar errā ke kōm kanooj in tōmak ke aer ejaak jikin ko ijoko aolep laĻ rej kile emō-kein-tariñae-in-nukuĻier pedped wōt ioon karōk ko raar kōmmani ilo anemkwōj ikōtaan LaĻ ko an jikin in ba kake ej kōkōmanman lōk aenōmman im jokane ipelaakin laĻ in kab ilo jet iaan bukwōn ko an laĻ in, ej kōkajoor lōk laajrak in ñan jab kowōrlōk kein tariñae in nukuĻier, im ej juon buñtōn ñan kakūrṁool menin kōttōpar eo ñan joĻōk kein tariñae in nukuĻier,

Ilo am kaalikkar ke ejjelōk ilowaan Bujen in naaj meļelein ke ej jelōt maroñ im jīmwe ko rej an wōt Laļ ko Uwaan Bujen in bwe ren ejaak būrokraamwin etale, kōmman, im kōjerbal 'jarom nukulier' (**nuclear energy**) ñan jibadbad ko rejjab ikijien tariñae, im en ejjelōk kalijeklōk ilo wāween in,

Ilo am kile ke an kōrā im emmaan jīmōr bōk koṇaer ilo aer juon wōt, ilo an likiio im emman, ej juon menin aikuj eo ñan lōñaj im kōmman aenōmman im jokane, im ilo am kate kōm ñan jipañ im kōkajoor lōk an elōñ lōk kōrā bōk koṇaer ñan kabōjrak kein tariñae in nukulier,

Ilo am bar kile lōk ke eaorōk katakin kōn aenōmman im joļōk kein tariñae ilo elōñ wāween im lōñaj meļele kōn kauwōtata ko im tōprak ko an kein tariñae in nukulier ñan epepen eo kiiō im ñan ko rej pedo tok, im ilo am rejetake aer tilmaake kōn wūn ko wūnin kab laajrak ko ilowaan Bujen in,

Ilo am kōjenolōk aorōkin ijo-koṇaan aolep armej ro ilōbwilej ilo aer kālōt emman im nana bwe en wōr wōnmaanlōk ko ilo wūn ko wūnin an armej jelā ñae doon, āinwōt ealikkar ilo aer kūr bwe en lukkuun ejjelōk ñan jidik kein tariñae in nukulier, im ilo am kile makūtkūt ko emōj aer bōk jikin ippān United Nations, International Red Cross im Red Crescent Movement, doulul ko jet rej an aolep laļ, im ko rej an jet wōt bukwōn ilo laļ in, doulul ko rejjab an kien, ri-tōl ro ilo kabuñ, ro ri-kōmman kien, ri-kaki ro ilo raan jelālōkjen, im ro ri-baam,

Emōj aer errā āinwōt in:

Laajrak 1

Mō ko

1. Kajjojo Laļ eo Uwaan Bujen in ej kate e make bwe, jekdoṇ ta, ak ejāmin:

(a) Ejaak, kōmmālmel, kōmman, kōlaak, ñe ejjab bōk, dāpij, ak kōkoṇ kein tariñae in nukulier ak kein kōbokkolōk in nukulier ko jet;

(b) Kōtļōk bwe jabdewōt en bōk kein tariñae in nukulier ak kein kōbokkolōk in nukulier ko jet ak kein kōjebwebwe kein tariñae rot kein ak kein kōbokkolōk kein, ilo an iooklōk ippān make ak jaab;

(c) Ebbōk kein tariñae in nukulier ak kein kōjebwebwe ak kein kōbokkolōk in nukulier ko jet jān jabdewōt, ilo an iooklōk ippān make ak jaab;

(d) Kōjerbal kein tariñae ak kalurōñ ro jet kōn kein tariñae in nukulier ak ko jet kein kōbokkolōk in nukulier;

(e) Jipañ, rejañ ak kareel, ilo jabdewōt wāween, jabdewōt armej bwe en bōk koṇaan ilo jabdewōt makūtkūt eo emō ñan juon Laļ eo Uwaan Bujen in;

(f) Kappok ak bōk jabdewōt jipañ, ilo jabdewōt wāween, jān jabdewōt bwe en bōk koṇaan ilo jabdewōt makūtkūt eo emō ñan juon Laļ eo Uwaan Bujen in;

(g) Kōtļōk an jabdewōt likūt, kōlaak ak kōmmakūt jabdewōt kein tariñae in nukulier ak kein kōbokkolōk in nukulier ko jet ilo jo-jikin ak ilo jabdewōt jikin eo ewōr an jīmwe ak maroñ ie.

Laajrak 2

Keeañ ko

Kajjojo LaĻ eo Uwaan Bujen in enaaj leĻok ñan Secretary-General eo an United Nations, en jab rumwij jān 30 raan ālikin an jejjet kūtien Bujen in ñan LaĻ in Uwaan Bujen in, juon keeañ eo enaaj:

(a) Keeañ kōn eaar ke wōr an, eaar ke pād ippān, ak eaar ke kajebwebweik jabdewōt kein tariñae in nukulier ak kein kōbokkoĻok in nukulier im joĻok an būrokraam in kein tariñae in nukulier, ekoba joĻok ak ukot imōn kōmman kein tariñae in nukulier bwe ren jab maroñ bar roĻl Ļok ñan mokta, mokta jān an jejjet kūtien Bujen in ñan LaĻ in Uwaan;

(b) Jekdoon ta kobban Laajrak 1 (a), keeañ ewōr ke an, ej ke pād ippān, ak ej ke kajebwebweik jabdewōt kein tariñae in nukulier ak jabdewōt kein kōbokkoĻok in nukulier;

(c) Jekdoon ta kobban Laajrak 1 (g), keeañ elōñ ke jabdewōt kein tariñae in nukulier ak kein kōbokkoĻok in nukulier ilo jo-jikin ak ijoko jabdewōt ewōr an jimwe ak maroñ ie ak rej an bar juon, rej pād ippān bar juon, ak emōj an bar juon LaĻ peeke.

2. Secretary-General eo an United Nations enaaj jilkini keeañ ko aolep emōj bōki ñan LaĻ ko Uwaan Bujen in.

Laajrak 3

Kein Kōjparok

1. Kajjojo LaĻ eo Uwaan ejjab deĻoñ ilo Laajrak 4, pārokōrāap 1 ak 2, naaj, ilo juon joñak eo edik, dāpij wōt aolep kallimur ko an im rej 'kein kōjparok' (**safeguards**) ko an International Atomic Energy Agency, ko im emōj an jejjet kūtier mokta jān an jejjet kūtien Bujen in, ilo an ban jej tokjān jabdewōt kakkobaba āierĻok wōt ilo kakien ko emaroñ bōki ñan ilju im jekĻaj.

2. Kajjojo LaĻ eo Uwaan eo ejjab deĻoñ ilo Laajrak 4, pārokōrāap 1 ak 2, eo ejjañin kōmmane enaaj kadedeik Ļok juon koñ ippān International Atomic Energy Agency im kōjejjet kūtien koñ in ñan kōjparok ilo elōñ wāween (**INFCIRC/153 (Emōj Kajimweiki)**). Aer kwelok kōn koñ in en mōkaj an ijino jān 180 raan ālikin an jejjet kūtien Bujen in ñan LaĻ in Uwaan. Koñ in enaaj jejjet kūtien en jab rumwij Ļok jān 18 allōñ ālikin an jejjet kūtien Bujen in ippān LaĻ in Uwaan. Kajjojo LaĻ eo Uwaan enaaj, jān tōre eo im etal, pedped wōt ilo kallimur kein an, ilo an ban jej tokjān jabdewōt kakkobaba āierĻok wōt ilo kakien ko emaroñ bōki ñan ilju im jekĻaj.

Laajrak 4

Ñan lukkuun joĻok aolep kein tariñae in nukulier

1. Kajjojo LaĻ eo Uwaan im, ālikin kar JuĻae 7, 2017 eo, eaar wōr an, eaar pād ippān, ak eaar peek kein tariñae in nukulier ko ak kein kōbokkoĻok in nukulier ko jet im joĻok būrokraam eo an kōn kein tariñae in nukulier, ekoba juĻok ak ukot mōko imōn kein tariñae in nukulier ko bwe ren jab bar waĻok, mokta jān an jejjet kūtien Bujen in ñan e, naaj bōro-kuk ippān opij eo tōllokin jerbal ippān aolep laĻ emōj jitōñ Ļok ilo pārokōrāap 6 ilo Laajrak in kōn wūn eo bwe ren kaṃoole ke rej moolin joĻok būrokraam in kein tariñae in nukulier eo aer bwe eban bar

roḷ lōk ñan mokta. Opij eo tōllōkin jerbāl ippān aolep laḷ enaaj rūbboot ñan aolep Laḷ ko Uwaan Bujen in. Juon Laḷ eo Uwaan āinwōt in enaaj kōjemlōk juon 'koṇ in kein kōjparok' (**safeguards agreement**) ippān International Atomic Energy Agency eo, im en bwe ñan kwaḷōk kein kaṃool ko ralikkar ke rejjab bōk kein kōmman nukulier jān jerbāl in nukulier ko rej jerbāl in aenōmman im kōmakūti ñan kōmman kein tariñae, im en kwaḷōk ke ejjelōk kein kōmman kab makūtkūt in nukulier ilo Laḷ eo Uwaan āinwōt ilo an likiio. Kōnono ko kōn koṇ in naaj ijjino ilowaan 180 raan ko jān tōre eo ejjet kūtien Bujen in ñan Laḷ in Uwaan. Koṇ in enaaj jejjēt kūtien en jab ruṃwij jān 18 allōñ ko jān tōre eo eaar jejjēt Kūtien Bujen in an Laḷ in Uwaan. Laḷ in Uwaan enaaj, jān tōre eo im etal, ilo juon joṇak edik, dāpiji kallimur ko ñan kein kōjparok, ilo an ban jej tokjān jabdewōt kakkobaba āierlōk wōt ilo kakien ko emaroñ bōki ñan ilju im jeklaj.

2. Jekdoṇ ta kobban Laajrak 1 (a), kajjojo Laḷ eo Uwaan ewōr an, epād ippān ak ej peek kein tariñae in nukulier ak kein kōbokkoḷōk in nukulier ko jet enaaj mōkaj an juḷōki bwe ren jab kōjerbāl, im en kōkkuri ilo iien eo emōkaj tata bōtaab en jab ruṃwij jān jemlōkin juon kūtien eo enaaj karōk ippān kwelōk eo moktata an Laḷ ko Uwaan, ekkar ñan juon karkan eo imōñ ekajet ko rej aikujin loore im ewōr jemlōkin kūtien ñan joḷōk būrokraam eo an Laḷ in Uwaan ñan kein tariñae in nukulier ilo juon wāween emōj kaṃool, im bwe en jab roḷ lōk ñan mokta, ekoba an juḷōk ak ukot aolep mōko imōñ kein tariñae in nukulier ko bwe ren jab roḷ lōk ñan mokta. Laḷ eo Uwaan, en jab ruṃwij jān 60 raan ālikin an jejjēt kūtien Bujen in ñan Laḷ in Uwaan, enaaj jake lōk karkan in ñan Laḷ ko Uwaan ak ñan juon opij eo tōllōkin jerbāl ilo aolep laḷ im emōj jitoñi ippān Laḷ ko Uwaan. Innem karkan in renaaj kōnono kake ippān opij eo tōllōkin jerbāl ilo aolep laḷ, eo enaaj jake lōk ñan kwelōk eo tok juon an Laḷ ko Uwaan ak kwelōk in etale, jabdewōt ier enaaj waḷōk mokta, ñan aer naaj rie ekkar ñan kakien ko an laajrak ko aer.

3. Juon Laḷ eo Uwaan im edelōñ ilo pārokōrāap 2 ilōñ enaaj kōjemlōk juon koṇ in kein kōjparok ippān International Atomic Energy Agency, im en bwe ñan kwaḷōk kein kaṃool ko ralikkar ke rejjab bōk kein kōmman nukulier jān jerbāl in nukulier ko rej jerbāl in aenōmman im kōmakūti ñan kōmman kein tariñae, im en kwaḷōk ke ejjelōk kein kōmman kab makūtkūt in nukulier ilo Laḷ eo Uwaan āinwōt ilo an likiio. Kōnono ko kōn koṇ in renaaj ijjino en jab ruṃwij jān raan eo edelōk aer loloodjake karkan eo kōnnaan kake ilo pārokōrāap 2. Koṇ in enaaj jejjēt kūtien en jab ruṃwij jān 18 allōñ ko jān tōre eo eaar jino kōnono ko. Laḷ in Uwaan enaaj, jān tōre eo im etal, ilo juon joṇak edik, dāpiji kallimur ko ñan kein kōjparok, ilo an ban jej tokjān jabdewōt kakkobaba āierlōk wōt ilo kakien ko emaroñ bōki ñan ilju im jeklaj. Ālikin an jejjēt kūtien koṇ in emōj kōnnaan kake ilo pārokōrāap in, Laḷ eo Uwaan enaaj jake lōk ñan Secretary-General eo an United Nations juon keeañ eo āliktata ke edelōk kallimur ko an ekkar ñan Laajrak in.

4. Jekdoṇ ta kobban Laajrak 1 (b) im (g), kajjojo Laḷ eo Uwaan eo elōñ kein tariñae in nukulier ippān ilo jo-jikin ak ijoko jabdewōt ewōr an jimwe ak maroñ rej an bar juon, rej pād ippān bar juon, ak emōj an bar juon Laḷ peeke enaaj kaṃool ke ren juḷōk kein tariñae kein, ilo iien eo emōkaj tata ak en jab ruṃwij jān jemlōkin kūtien eo emōj kappeiki ilo kwelōk eo moktata an Laḷ ko Uwaan. Elak mōj aer juḷōk kein tariñae rot kein ak kein kōbokkoḷōk ko jet, Laḷ in Uwaan en lelōk ñan Secretary-General eo an United Nations juon naanin keeañ ke edelōk kallimur ko an iumwin Laajrak in.

5. Kajjojo Laḷ eo Uwaan im ej deḷoñ ilo Laajrak in enaaj jake ḷok juon rūbboot ñan aolep kwelḷok ko an Laḷ ko Uwaan im aolep kwelḷok in etale ikijjien wōnmaanḷok ko ñan kōmman kallimur ko an ekkar ñan Laajrak e, mae tōre eo rededeḷok.

6. Laḷ ko Uwaan renaaj jitōñ juon opij eo tōllōkin ak opij ko tōllōkier jerbal ippān aolep laḷ ñan kōnono kake im kamool ke emōj aer juḷok aolep būrokraam in kōmman kein tariñae in nukulier bwe rōban bar roḷ ḷok ñan mokta, ekoba aer juḷok ak ukot aolep mōko imōn kein tariñae in nukulier, ekkar ñan pārokōrāap 1, 2, im 3 in Laajrak in. Ñe ebaj waḷok ke ejjañin wōr juon ijjitōñ āinwōt in mokta jān an jejjet kūtien Bujen in ñan juon Laḷ eo Uwaan eo ejjab deḷoñ ilo pārokōrāap 1 ak 2 an Laajrak in, Secretary-General eo an United Nations enaaj kūr juon kwelḷok eo ejenolḷok an Laḷ ko Uwaan bwe ren bōk jabdewōt karōk im pepe ko remaroñ in kar jejjet.

Laajrak 5

Kilen loloodjake ilo aolepān laḷ eo

1. Kajjojo Laḷ eo Uwaan enaaj bōk kilen im wāween ko rōkkar bwe en loloodjake kallimur ko an iumwin Bujen in.

2. Kajjojo Laḷ eo Uwaan en kōmman aolep kain makūtkūt ko rōkkar ñan kien, ñan kakien, im ñan wāween ko jet, ekoba aer ejaake juon laajrak in kaje ko ñan bōbrae im kadikḷok jabdewōt makūtkūt eo emō ñan juon Laḷ eo Uwaan Bujen in, eo im rej kōmman ko an armej ro ak emōj aer kōmmane ilo joko repād iumwin jimwe ak maroñ eo an.

Laajrak 6

Jipañ ro raar eñtaan ilo ejjeḷok notaer im kōkōmanman peḷaak ko peḷaakin

1. Kajjojo Laḷ eo Uwaan enaaj, ikijjien armej ro kajjojo rej pād iumwin jimwe im maroñ ko an im emōj jelōt er kōn tariñae ak kōkōmmālmel in nukulier, ekkar ñan kobain jimwe im maroñ ko an armej ilo iien tariñae ko kab ilo iien ko otemjej, jipañ er ilo juon joñak ejimwe ekkar ñan aikuḷ ko ñan dettāer, dik ak rūtto, ekkar ñan mantin emmaan ak kōrā, ilo ejjeḷok kalijekḷok, ekoba wūno, kamminene, taktō in kōlmānḷokjeñ, im barāinwōt en ɲa wāween aer koba ḷok ilo doulul ko doululin armej im ilo peejneḷ ko.

2. Kajjojo Laḷ eo Uwaan, ikijjien bukwōn ko rej pād iumwin jimwe im maroñ eo an im emōj aer baijin kōn wōt makūtkūt ko rōkkejel ḷok ilo kōkōmmālmel ak tariñae in nukulier ak kein kōbokkoḷok in nukulier, enaaj ḷoor kilen im wāween ko rōkkar bwe en kōkōmanman ḷok peḷaak ko rōkar jorrāan kōn baijin.

3. Kallimur ko iumwin pārokōrāap 1 im 2 ilōñ eban jej tokjāer pedped wōt ioon eddo ko im kallimur ko an Laḷ ko jet iumwin kakien ko ikōtaan aolep laḷ ak koñ ko ikōtaan ruo wōt laḷ.

Laajrak 7

Jemdoon im jipañ doon ñan aolep laḷ ko

1. Kajjojo Laḷ eo Uwaan en bōro-kuk ippān Laḷ ko rej bar Uwaan bwe en emman aer loloodjake Bujen in.

2. Ilo an kaṃool kallimur kein iumwin Bujen in, kajjojo Laḷ eo Uwaan enaaj wōr an maroñ ñan pukot im bōk jipañ, eḷaññe emaroñe, jān ippān Laḷ ko jet rej bar Uwaan.

3. Kajjojo Laḷ eo Uwaan ewōr an maroñ, enaaj jipañ Laḷ ko Uwaan kōn kilen im wāween ko, kein jerbal ko, im jāān ko, eḷaññe eṃōj jelōt er kōn tariñae ak kōmmālmel in nukulier, bwe en jejjet ɭok aer loloodjake Bujen in.

4. Kajjojo Laḷ eo Uwaan ewōr an maroñ, enaaj jipañ ro raar jorrāān jān tariñae ak kōkōmmālmel in nukulier ak bar jet kein kōbokkoɭok in nukulier.

5. Remaroñ ɳa wāween jipañ ko repād iumwin Laajrak in ilo elōñ wāween, ekoba iumwin karkan United Nations, doulul ak iṃōn jerbal ko jet an aolep laḷ, an jet wōt laḷ, ak an juon wōt laḷ, doulul ak iṃōn jerbal ko rej jab an kien, International Committee of the Red Cross, International Federation of Red Cross and Red Crescent Societies, ak Red Cross im Red Crescent Society ko an juon laḷ, ak ikōtaan wōt ruo laḷ.

6. Ilo an ejjelok naanin jekpen kōn jabdewōt eddo ak kallimur eo emaroñ wōr ippān ekkar ñan kakien ko ikōtaan aolep laḷ, juon Laḷ eo Uwaan eṃōj an kōjerbal ak kōmmālmel kein tariñae in nukulier ak jabdewōt kein kōbokkoɭok ko jet en wōr eddowier bwe ren kabwe aer jipañ ñan Laḷ ko Uwaan eṃōj jelōt er, im wūnin aer kōmṃane ej bwe ren jipañ ro raar eñtaan im kōkōmanṃan ɭok peḷaak ko peḷaakin.

Laajrak 8

An Laḷ ko Uwaan kwelok

1. Laḷ ko Uwaan renaaj kwelok ekkar ñan juon jikeejul bwe ren kōlmānɭokjen im, ijoko emenin aikuj, karōki men ko rej jelōt kilen aer kōjerbal ak loloodjake Bujen in, ekkar ñan wūnin kōnono ko rōkkejel ɭok, im ikijjen kilen im wāween ko jet ñan joɭok kein tariñae in nukulier, ekoba:

(a) Aer loloodjake im pedped wōt ilo Bujen in;

(b) Maḷūtkūt ko rōṃool, rōṃōkaj ñan iien, im rej ñan indeeo ilo wāween aer juɭok būrokraam ko būrokraamwin kein tariñae in nukulier, ekoba laajrak ko jet rej kakkobaba ñan Bujen in;

(c) Jabdewōt wūnin kōnono ko jet im rej kein ɭoor ɭok Bujen in im rōkkar im jejjet ñan e.

2. Kwelok eo jinoin tata an Laḷ ko Uwaan enaaj bōk jikin iumwin ikkūr eo an Secretary-General eo an United Nations ilowaan juon iiō jān tōre eo ejejjet kūtien Bujen in. Secretary-General eo an United Nations enaaj kūri kwelok ko jet aolep ruo iiō, ijellokin wōt ñe Laḷ ko Uwaan rej errā ke en oktak. Kwelok eo an Laḷ ko Uwaan enaaj bōk kakien ko ñan ɳa wāween kwelok ilo kwelok eo mokta. Ñan ñe eṃōj aer bōki, kakien ko rej ɳa wāween kwelok eo an United Nations ñan kōnono bwe ren kōmṃan juon kakien ñan kōmō kein tariñae in nukulier iṃaan mejān kien, eo ej jemɭok ilo an lukkuun jako, enaaj jejjet kūtier.

3. Secretary-General eo an United Nations enaaj, eḷaññe emenin aikuj ippān, kūr Kwelok ko rejenolok an Laḷ ko Uwaan, ñe jabdewōt Laḷ eo Uwaan ej je ɭok juon kajjitōk ñan e bwe ren kwelok, ijowōt ke kajjitōk in en rie ippān juon mōttan jilu iaan Laḷ ko Uwaan.

4. Ālikin ĭalem iiō ko remootłok jān an jejjēt kūtien Bujen in, Secretary-General eo an United Nations enaaj kūr juon kwelok eo ełap ñan etale mačkūt kūt ko ilo Bujen in im wōnmaanolok ko ñan maroñ bōk jibadbad ko an Bujen in. Secretary-General eo an United Nations enaaj bar kōmman 'kwelok in etale' (**review conferences**) ko aolep jiljino iiō ilo ejja kōttōpar in wōt, ijellōkin wōt ñe Lał ko Uwaan rej errā ke en oktak.

5. Lał ko rejjab uwaan Bujen in, barāinwōt ro tōllōkier ilo ra ko raan United Nations, doulul ak mōko imōn jermal ko jet tōllōkier bwe ren jermal ñan aolep lał, doulul ko rej an jet wōt bukwōn ilo lał in, International Committee of the Red Cross, International Federation of Red Cross and Red Crescent Societies im doulul ko jet eitok limowier im rejjab an kien, renaaj ruwainene in pād ilo kwelok ko an Lał ko Uwaan im kwelok in etale āinwōt ro rej loor Bujen in jekdōon ñe rejjañin jaini.

Laajrak 9

Oñāān

1. Oñāān kwelok kein an Lał ko Uwaan, kwelok in etale ko im kwelok ko rejenolok an Lał ko Uwaan renaaj kōllā ippān Lał ko Uwaan kab Lał ko rejjab uwaan Bujen in ak rej loore jekdōon ñe rejjañin jaini, ekkar ñan jikeejul in watwat kōllā eo an United Nations ñe emōj aer kōjejjete.

2. Oñāān jermal ko an Secretary-General eo an United Nations ilo an tilmaake keeañ ko ekkar ñan Laajrak 2, rūbboot ko ekkar ñan Laajrak 4 im elmokot ko ekkar ñan Laajrak 10 eo an Bujen in renaaj kōllā ippān Lał ko Uwaan ekkar ñan jikeejul in watwat kōllā eo an United Nations ñe emōj aer kōjejjete.

3. Oñāān ko rōkkejel lok ilo aer loloodjake kilen im wāween aer kaṃool Bujen in, im rej menin aikuj ekkar ñan Laajrak 4, barāinwōt oñāān ko rōkkejel lok ilo aer qokkure kein tariñae in nukulier ak kein kōbokkolok in nukulier ko jet, im ilo aer jolok būrokraamwin kein tariñae in nukulier, ekoba aer julok ak ukot mōko imōn kein tariñae in nukulier, ren kōllā ippān Lał ko Uwaan ko rōkkar.

Laajrak 10

Oktak ko

1. Ilo jabdewōt iien ālikin an jejjēt kūtien Bujen in, jabdewōt Lał eo Uwaan emaroñ kōmman juon an elmokot kōn oktak ko renaaj kar emman ñan Bujen eo. Jeje ko an juon oktak eo emōj elmokote enaaj wałok ilo juon kōjjełā ñan Secretary-General eo an United Nations, eo enaaj tilmaake ñan aolep Lał ko Uwaan im lare ippāer ren ke lōmṃak kōn elmokot eo. Ñe bout ko rellōñ an Lał ko Uwaan rej kōjjełāiki Secretary-General eo an United Nations im en jab ruṃwij jān 90 raan ālikin aer kar tilmaake ke emman ippāer ñe ren lōmṃak wōt kōn elmokot eo, elmokot eo enaaj juon unin kōnono ilo kwelok eo tok juon an Lał ko Uwaan ak kwelok in etale, jabdewōt iaer ewalok mokta.

2. Juon kwelōk an Laḷ ko Uwaan ak juon kwelōk in etale emaroñ errā kōn oktak ko renaaj bōki kōn juon bout "aaet" emōj kālōt jān bout ko rellōñ an ruo mōttan jilu iaan Laḷ ko Uwaan. Jikin Kōkoṇ eo enaaj kōnono kōn jabdewōt oktak eo emōj bōki ñan aolep Laḷ ko Uwaan.

3. Oktak eo enaaj jejjet kūtien ñan kajjojo Laḷ eo Uwaan im emōj an doore kakien eo kein an koweppāne ak bōk oktak in 90 raan ālikin doori kakien ko āierlōk wōt kōn bout ko rellōñ an Laḷ ko Uwaan ilo iien ebbōk. Tokālik, enaaj jejjet kūtien ñan jabdewōt Laḷ eo ej bar Uwaan 90 raan ālikin an doore kakien eo kein an koweppāne ak bōk oktak eo.

Laajrak 11

Jemlōkin abñōñō ko

1. Ñe ewalōk juon abñōñō ikōtaan ruo ak elōñ lōk Laḷ ko Uwaan ikijjien meḷeḷein ak kilen kōjerbale Bujen in, ro uwaan emōj jelōti renaaj bwebwenato ippān doon im wūn eo bwe en wōr jemlōkin abñōñō in ilo aer leto-letak meḷeḷe, ñe ejjab wāween ko jet rej kaaenōmman kōn jo-kālōt an pepe eo an uwaan ko ekkar ñan Laajrak 33 eo an Charter eo an United Nations.

2. Kwelōk eo an Laḷ ko Uwaan emaroñ bōk koṇaan ilo aer kōjemlōk abñōñō eo, ekoba ilo aer kwalōk naanin rejañ, ilo an kūri Laḷ ko Uwaan emōj jelōti bwe ren jino wāween eo emman ippāer ñan kōjemlōk abñōñō eo im ilo an kōkapilōklōk kōn jemlōkin kūtien ñan jabdewōt wāween eo emōj errā kake, ekkar ñan kobban ko rej jelōt Bujen in kab Charter eo an United Nations.

Laajrak 12

En pād aolep jikin otemjej

Kajjojo Uwaan Bujen in enaaj rōjañi Laḷ ko rejjab uwaan Bujen in bwe ren jaini, koweppāne, bōk, rie, ak koba ilo Bujen in, kōn wōt menin kōttōpar eo bwe aolep Laḷ ren ḷoor Bujen in.

Laajrak 13

Eltan pā

Bujen in enaaj pelḷōk ñan eltan pein aolep Laḷ ilo United Nations Headquarters ilo New York, ijjiño jān Jebtōm̄ba 20, 2017.

Laajrak 14

Koweppān, bōk, rie, ak koba ilo Bujen in

Bujen in enaaj wōr an Laḷ ko rej jaini maroñ in koweppāne, bōke ak rie. Bujen in enaaj pelḷōk bwe ro jet ren koba lōk ippān.

Laajrak 15

Jejjet kūtien

1. Bujen in enaaj jejjet kūtien 90 raan ālikin aer doore kakien eo kein kōlemñoul ñan koweppān, bōk, rie, ak koba.

2. Ñan jabdewōt Lał eo ej door kakien eo kein an koweppān, bōk, rie, ak koba ilo Bujen in ālikin raan eo emōj an door kakien eo kein kōlemñoul ñan koweppān, bōk, rie ak koba, Bujen in enaaj jejjēt kūtien ilo 90 raan ālikin raan eo Lał in emōj an doore kakien eo kein an koweppān, bōk, rie, ak koba ilo Bujen in.

Laajrak 16

Kōjekdōon jet wōt laajrak

Laajrak ko an Bujen in eban mālim an jabdewōt kōjekdōon jet wōt iaer.

Laajrak 17

Kūtien im iien kabōjrak

1. Kūtien Bujen in enaaj ejjelōk jemłōkin.

2. Kajjojo Lał eo Uwaan, ilo an irooj ioon e make āinwōt juon lał eo ejenolōk jān ro jet, enaaj wōr an maroñ in bōjrak jān Bujen in ñe emōj an kile ke makūtkūt ko rāinjuon im rej ekkejel ilo wūnlelep ko kobban Bujen in emōj aer jerwaani kein kōttōpar ko rōutiej tata an lał eo an. Enaaj lełōk juon naanin kōjjeļā kōn kabōjrak in ñan Jikin Kōkoñ eo. Kōjjeļā rot in enaaj koba juon naanin kōmlōt eo ej ba kajjien makūtkūt ko rāinjuon ko ej kili ke emōj aer jerwaani kein kōttōpar ko an rōutiej tata.

3. Kabbōjrak rot in eban bōk jikin mae 12 allōñ ālikin raan eo raar bōk kōjjeļā eo kōn kabōjrak in ippān Jikin Kōkoñ eo. Ijowōt ke, eļaññe ilo jemłōkin kūtien in 12 allōñ aetokan, Lał eo Uwaan eitōn bōjrak ak ej tariñae wōt, Lał in Uwaan enaaj wōnmaanłōk wōt iumwin kallimur ko an Bujen in im iumwin jabdewōt laajrak ko jet mae iien eo ebōjrak jān aolep tariñae otemjej.

Laajrak 18

Kadkad ko ippān bujen ko jet

Aer loloodjake Bujen in eban kajej tokjān kallimur ko an Lał ko Uwaan ilo aer ekkejel wōt ilo koñ ko im rej pād kadede im rej ikōtaan lał ko, im rej uwaer, ijoko kallimur kein rej rejetake Bujen in.

Laajrak 19

Jikin Kōkoñ

Eoon in ej jitōñ Secretary-General eo an United Nations āinwōt Jikin Kōkoñ Bujen in.

Laajrak 20

Moolin jeje

Jeje ko jejein kajin Arab, Jeina, Iñlij, Būranij, Rojia, im Jipein an Bujen in renaaj juon wōt ilo mool.

EMŌJ AN DEDEŁŌK ilo New York, ilo Jułae jiljilimjuon raan, ilo iiō in ruo tōujin im joñoul jiljilimjuon.